

佛祖統紀

卷之八

風陵文庫

文庫19

F229

18

法運通塞志第三

佛祖統紀卷三十七

天宋咸淳四明東湖沙門

志磐撰

晉都洛

武帝

司馬炎受魏禪

泰始二年侍中荀勗於洛陽造金像佛菩薩十二身放光明都人競集瞻禮

三年詔魯郡四時祀孔子及七十二弟子

四年沙門竺法崇至湘州麓山廟神請授淨戒舍廟爲寺○荊州都督羊祜自供給武當山寺有問其故祜曰前身多有諸過賴造此寺故獲中濟所以供養之情偏重於此

述曰晉書言羊祜識前身是李氏兒能取所弄金
環今此言前身造此寺者蓋前身之前身也世間
罪福果報不差可不知鑑祜能知前身者佛教謂
之宿命通祜蓋學佛有得現身世間者

太康二年并州劉薩訶業弋獵暴卒兩人執向西北
行至地獄見金色聖人左右言是觀音大士謂訶曰
汝罪應入地獄可往洛陽臨淄建鄴鄧陰成都五處
有阿育王塔處頂禮懺悔又吳中二石像阿育王使
鬼神所造能往禮拜不墮地獄又云凡為亡人設福
七月望日沙門受夏此時設供彌勝若制供養物具
須器器標題言為某人奉上三寶福施彌多沙門白

衣見罪宿過能自發露不失事條勤誠懺悔罪即消
滅如恥於衆前陳列可對像懺默自記說不失事者
罪亦除滅若有遺漏非故隱蔽受報猶輕若善人誦
經其地皆為金剛但肉眼人所不能見僧傳所載極多此不備錄
既蕪乃出家名慧達至會稽山澤處處尋求及鄞縣
烏石山夜聞地下鐘聲越三日有梵僧七人行道空
中地涌方壇因斷土求之得舍利寶塔六僧騰空而
沒一僧化為烏石因以名山塔色如青石高一尺四
寸廣七寸四角挺然五層露盤中懸寶聲安佛舍利
既而其塔飛至一山凡三止其處達乃即其地建精
舍以奉塔今四明育王寺上下塔及舍利殿三處是

二年西竺沙門婁至來廣州譯十二遊經

七年月氏沙門竺法護來長安青門譯正法華經及

涅槃寶藏經等二百十部音月氏

九年洛陽大疫西竺沙門呵羅竭持咒法加水以治

之所遇者皆差楚憚反

惠帝東武帝次子

元康元年巴陵顯安寺生異木西天僧見曰此佛娑

羅樹也○于闐沙門無羅叉譯放光般若經即朱士

行寄歸本也

永康元年會稽諸葛氏錢自井出乃舍宅為靈寶寺

今大度寺○永康中沙門義興廬于山上有童子來給薪

水父而辭去曰吾太白一辰上帝遣侍左右言訖不

見今四明天童山是

永寧元年扶南國王遣使同西竺沙門那伽仙進縷

金龍座佛象牙塔○西天沙門竺叔蘭白法祖支法

度法立法炬共譯經百六十五部炬譯有金貢太山

贖罪經

永興元年西竺沙門祇域至洛陽指沙門竺法淵曰

此菩薩羊中來見竺法興曰此菩薩天中來又曰比

丘衣服華麗大違戒律望帝所宮闕曰大略似初利

天疲民之力不亦侈乎未幾洛陽亂

懷帝熾武帝二子

永嘉四年西竺沙門佛圖澄至洛陽時石勒也兵葛陂沙門多遇害召澄試術咒鉢水生青蓮華由是神敬及與劉曜戰以訪澄澄曰塔鈴音云秀支替矣剛僕谷秀支軍也替矣剛出也僕谷劉曜胡位也秀勒當捉也此皆羯語言軍出捉得劉曜也劉曜前趙僭稱帝於長安秀支替矣剛等北俗胡語也羯居羯反北狄皆犬羊之種故謂之羯羯犬羊也佛圖澄梵語四果又取麻油燕脂塗掌以示童子見一人乘馬朱絲縛肋澄曰此劉曜也遂出戰果生禽曜勒遂即王位國號趙勒愛子斌暴卒歎曰吾聞烏鵲起魏太子乃今告澄取楊枝呪水灑之遂蘇勒殂弟季龍立傾心事澄每乘輿升殿唱大和上至晉兵入淮季

龍怒曰吾奉佛反致寇佛無神矣澄曰王前身為商經罽賓僧寺設會有六應真吾其一也時聖者記曰此檀越報盡當王晉地今為天子豈非奉佛而致邊疆侵擾有國之常何為興怨謗乎季龍乃悔謝澄將去入辭曰國家存心佛理而布政苛猛致國祚不延也即安坐而逝後有沙門自雍州還見澄入關季龍發冢視之唯塊石焉季龍惡之曰石吾姓也葬吾而去其能久乎未幾果亡斌紆倫反補典反名醫盧人罽賓西土國名應真者阿羅漢應得真道也音膺雍於用反

六年武邑太守盧歆請道安法師於郡誦經傾城人士來聽讚歎諠席○西域優婆塞聶道真譯十住經

等五十四部

愍帝

諱鄴武帝之孫

建興元年吳縣居士朱膺於松江瀆口見二石像浮江而至背有銘曰維衛佛迦葉佛遂迎至通玄寺後八年漁者得青石鉢二於江上歸以盛葷餚見佛像在鉢際識者謂前二像鉢遂送寺中

元帝

諱昶晉宣帝曾孫遷都建康

太興元年詔沙門竺潛入內殿誦經以方外重德令著袈登殿

永昌元年西竺沙門吉友至建康丞相王導見之曰我輩人也一時名公皆造門結友每見王導解帶自

若尚書令卞壺至

壺音闕

則正容肅然有問其故對曰

王公風道期人亦令軌度格物吾正當以此處之耳廷尉桓彝欲為友作目友曰吉友可謂卓朗彝絕歎服以謂盡品目之極友善持咒所向多驗時號高座法師譯灌頂經等三部

明帝

諱紹元帝之子

太寧元年帝幸御丹青圖釋迦佛于大內樂賢堂又往興皇寺集義學沙門百真誦論佛道

三年漁人見海上有光網之得金像文殊誌云阿育王造後商人於海東獲一圓光持以就像若彌縫焉陶侃刺廣州得其像以送寒溪寺主者僧珍嘗往夏

口夢寺火而此像屋獨有神護珍馳還寺果焚唯像
屋存焉侃移督江州遣舟迎之至江上溺乃歷反水
中不可獲

成帝

諱衍明
帝之子

咸和元年西天沙門竺慧理至錢唐武林山驚曰中
天竺靈鷲小嶺何年飛來此地邪因冬天竺山飛來
峯建寺曰靈隱仙翁葛洪書額衆字記此山多精宿
以詩由隱居于此故
易名○葛洪博究典籍尤好神仙導養之法從祖玄
吳時學仙得道號葛仙翁以鍊丹秘術授弟子鄭隱
洪就隱學得其法以年老發鍊丹新退壽聞交趾出
丹沙求為句漏令句古侯反曰非欲為榮以有丹耳帝從

之至廣州刺史陷不聽去乃止羅浮山鍊丹著內外
篇自號抱朴子後坐至日中兀然若睡而卒舉屍入
棺輕如空衣世以為屍解得仙

三年蘇峻為亂焚燒官室獨樂賢堂明帝所畫釋迦
像下壞帝敕著作製頌以彰聖德

四年丹楊尹高悝

音快

且行張侯橋望浦中五色光遣

掘之得金像而無光

跌迎置長干寺

在建康城外長
干者長壘也書

云包括干越言
越地多長隴也

後二年臨海郡人網得銅華趺上有

梵書云阿育王第四女造勅置長干像又四十年合
浦人采珠海中得金光勅安像上宛然如故
五年許詢以會稽求興新居為崇化寺建塔四曾物

產既罄猶之相輪一朝風雨輪盤自備當時訪知剡縣飛來○詔會稽寶山法義法師入禁中傳授五戒咸康元年沙門支道林譯方等法華經二年尚書令李邕舍宅為靈曜寺六年右將軍王羲之為西天達摩多羅於廬山建歸宗寺○庾冰輔政議沙門盡敬王者尚書令何充等議曰武皇以盛明革命明帝以聰聖玄覽豈此時沙門不易屈膝願以不變其修善之法所以通天下之志耳疏三上永議遂寢○沙門白法祖與道士王符議論符屢屈乃偽作老子化胡經後法祖亡有李通者暴死見祖法師在其府為閻王誦楞嚴三昧經云

譚竟應往初利天講經又見道士王符身被桎械求祖法師懺悔閻王訶之曰汝造言謗佛待世間偽經盡毀汝罪方脫補注云其文本一卷其徒增為十一卷羅國降伏外道第三卷化胡經胡王第四卷化胡王兄弟七人第五卷化胡王經十二年皆化胡王所撰

康帝

諱岳成帝之弟

建元元年中書令何充舍宅為建福寺以居比丘尼有尼淨檢於本法得戒一旦有天女乘光下庭中忻然攜手揖別弟子躡光上升充性好釋典崇修佛寺供給沙門以百數糜費巨億而不吝阮裕戲之曰卿志大宇宙勇邁終古充問其故裕曰我圖數千戶郡

尚未得卿圖作佛不亦大乎時邾愔及弟曇奉天師道而充與弟準崇信釋氏謝萬譏之曰二邾諂於道二何佞於佛

穆帝

諱肅康帝之子

永和四年許邁入餘杭西山弟護軍長史謚男上計掾玉斧三人皆得道登天

升平元年敦煌沙門單道開

敦煌西郡名

至建康不畏

寒暑晝夜不卧月行七百里後入羅浮山石室坐亡五年上有疾召高僧法開視脉知不起不肯進藥石怒囚之俄上崩獲免或問曰高明剛簡何以醫術經懷師曰明六度以除四魔之疾調九候以療風寒之

病自利利人不亦可乎孫綽曰才辯縱橫以數術通

大教其開公乎

哀帝

諱丕成帝之子

興寧元年詔以官凡窰地賜沙門慧力建瓦官寺時

朝賢注疏者不過十萬

貫一百

顧長康素貪注錢百萬

貫一千

人皆笑之一日於殿壁畫維摩像將點眸子曰

第一日開見者責施十萬第二日開見者五萬第三

日開見者任例責施及開戶光明照寺施者填塞果

得錢百萬

顧愔之字長康小字虎頭杜詩所謂何年顧虎頭滿壁畫瀛洲是也

二年詔法師竺潛講般若于禁中後辭還剡山詔支遁相繼講法一時名士與結方外之友劉系談莊子

以適性爲逍遙。道曰：桀跖以殘虐爲性，豈亦逍遙乎？主濛極思，作數百語。道曰：與君別久，而所見不長。何邪？却超問謝安曰：道談何如？稽中散安曰：稽盡力，道才得半耳。道嘗寓書於潛，求買沃洲小嶺。潛曰：欲求便給，未聞巢由買山而隱。○紫虛元君南嶽魏夫人下降，授相王舍人楊羲以上清真經、大洞黃庭十餘篇。羲以傳長史許謐。上計掾玉斧掾子司農丞黃氏奉經符秘錄入于剡。王靈期求受上經，知至法，不可顯泄，乃竊加損益，傳于世。真誥

廢帝

諱奕哀
帝之弟

太和二年，支遁表求還山，詔建沃洲寺以居之。道每

譎多，會宗遺文爲守文者所陋。謝安聞而歎曰：此九方歟之相馬略。玄黃而取神駿也。嘗講維摩於山陰，處士許詢爲都講，詢發一問，衆謂道不能通。道通一義，衆謂詢無以難。

三年，洛陽東寺尼道馨爲衆說法，華維摩聽者如市。

簡文帝

諱昱，成
帝幼子。

咸安元年，有烏來巢太極殿，帝召曲安遠筮之，曰：西南有女人師能，除此怪。時尼道容住歷陽烏江寺，召至都，以華置席下，驗凡聖。容所坐華不萎，謂帝曰：陛下當奉行八關齋戒，自然消弭災怪。帝如言行之，群鳥運巢而去。敕建新林寺以居之。○召沙門竺法曠

入京師行齋懺禳袂星既而星沒

二年敕長干寺造三級塔畢功之日光照欄宇○帝幸瓦官寺聽竺法汰誦放光般若每讀佛經以為陶鍊神明則聖人可至

孝武帝

諱雅簡文帝第三子

寧康元年大司馬桓溫卒初溫在姑孰有異尼來見因求浴溫竊窺之見尼裸身以刀破腹斷兩足出謂溫曰卿若作天子亦當如是溫每有異志故尼見戒及簡文崩諷朝廷加九錫謝安王坦之聞溫病篤密綏其事文未成而死其後子女遷安帝而自立為義兵兄殺

述曰桓彝守宣城死於蘇峻之難忠矣子溫握兵以窺朝廷亂矣溫子玄藉父之資終為僭逆身死家亡賊矣後世修史置彝列傳溫玄四夷傳辱先世為多矣玄南面八十日其迹似王莽而不能久世為權臣而卒自陷於亂賊其可為後世戒

王坦之為中書令與沙門竺法汰甚厚每共論幽冥報應要死者報其事後師來云貪道已死罪福不虛唯當勤修道德以升濟神明耳言訖不見

○道安法師於襄陽檀溪寺建浮圖銅像

梵語浮屠又摩

堵波又塔婆此云高顯處能自起行至方山光明燭天傾都瞻拜高士習鑿齒詣安自稱四海習鑿齒安答曰彌天釋

道安時以爲名對上聞安名詔曰法師以道德照臨
天人宜日食王公祿所司以時奉給

二年竺潛法師亡詔曰潛法師捐宰相之榮襲緇衣
之行方賴宣道以濟蒼生奄從遷謝用痛于懷可賜
錢五十萬助建瑩塔○豫章西山真君許遜拔宅升
天君生於吳赤烏二年師至人吳猛傳神方入西山
修鍊晉太康元年爲蜀郡旌陽令民服其化至於無
訟歲大疫標竹江濱置符水中令病者飲之無不愈
及解官東歸有女童五人持寶劍爲歡聞升楊女師
湛母有道往叩之授金丹寶經并正一斬邪之法君
鍊丹茅城黃龍山既成登秀峯爲壇醮謝上帝乃服

升至西安縣

今分寧

廟神迎告曰此有蛟害民知仙君

來今往鄂渚避之矣君杖劍躡迹而往勅吏兵驅出
跡之還豫章郡城以丹數粒雜他藥貨之令其自取
贖藥雖多竟無一人取丹者君歎世間仙才之難遇
也弟子數百君化炭爲美婦夜散入群弟子處明日
閱之其不染汚者唯十人即異時上升高第也是年
有二仙自天而下奉玉皇命授九州都仙太史詔曰
許遜脫子前世貪殺不祀先祖之罪錄子今生存水
治病罰惡之功身及家口厠宅凌空歸天二仙揖君
升龍車命陳勲時荷周廣曾亨黃仁覽肝烈及其母
之婦部從仙眷四十二口同時升天雞犬亦隨飛騰

神功妙濟真君傳是年天詔施半鐘離嘉乘車外天君之誓責仁覽周其父黃萬石三十二口從真君外天宋末初二年舉家二十六口自外天身戰陳大建元年天詔駕車外天

太元元年西天沙門涉公至長安秦主苻堅尊奉之常咒龍致雨以濟時旱國人賴之○慧求法師至廬山居西林香谷潯陽刺史陶範舍所居以為寺四年秦人攻拔襄陽獲道安習鑿齒送往長安秦主苻堅喜曰晉平吳會利在二陸今破襄陽獲士裁一人半堅出東苑命安同載僕射權翼諫曰道安毀形不可參乘堅怒曰安公道德所尊乃令翼挾安登輦安入關沙門甘隨師姓安曰師莫如佛應沙門宜以釋為姓及增一阿舍經至有云四河入海無復異

四姓出家同稱釋氏藍田得古鼎腹有篆文朝無識之者以問安安曰魯襄公所鑄也秦主勅三館學士有所疑皆以問安國人為之語曰學不師安義不禁難安貌銳而姿黑喜談論故諺曰漆道人驚四鄰左臂有肉方寸隆起如印世號印手菩薩

六年帝於內殿立精舍奉佛召沙門名德者居中行道慧遠法師自襄陽至廬山立龍泉精舍初師至山夢神告曰此山足可棲神願毋他往其夕太雨雷電見林壑廣開素沙布地楸楠文梓縱橫充斥九江刺史桓伊乃為建寺曰東林殿曰神運師於江上禱詣陶侃文殊像忽浮出水乃迎置殿造重閣以

奉安之沙門法正譯千佛名經等百十一部

十六年蜀賓沙門衆天至江左凡水自西而東此以東為西為背此為

左者南為右手則江西南當稱江右可也自古謂江

坐此誤此說得譯三法度經等三部

十九年江陵城北有五色光沙門曇翼得金像于土

中光相有梵書云阿育王造乃迎置長沙寺晉書發願於長

沙佛像前印此像此寺案天人咸通傳長沙寺在荆州北岸別傳法指為潭州者誤

二十年荆州牧桓冲命曇翼法師渡江造東西二寺

自晉宋齊梁陳氏常及萬僧隋初名僧三千五百當

途譚說者五十三人別院大小十所般舟方等二院

夏別千人寺屋各及萬間○處士戴逵欲造丈六無

量壽佛像以古製朴拙乃密采衆說積思三年刻雕

方就迎置山陰靈寶寺郊超見而作禮方撮香在手

忽勃然煙上極目雲表衆皆歎其神感○蜀賓國沙

門僧伽跋澄來長安譯雜毗曇婆沙論○龜茲國

慈沙門鳩摩羅什至長安秦主姚興館于逍遙園譯

大品般若經

安帝諱德宗武帝子

隆安二年長安沙門法顯往天竺求經○桓玄輔政

勸上沙汰僧尼詔曰有能伸述經牒演說義理律行

脩正者並聽依所習餘悉令罷道唯廬山道德所居

不在搜簡遠法師以書力辨事遂寢

五年秦羅什法師於逍遙園譯妙法蓮華經秦主於
草堂寺與三千僧手執舊經重加參定勅僧碧音略等
諮受什旨以僧尼多濫令僧碧為國僧正秩同侍中
給車輿吏力法欽為僧錄僧遷為悅眾班秩有差楚
反不齊等也世人名給親信白從三十人久非獨刺
多作初加反者誤
軍○戴顓達之子才巧如其父江夷掌託顓造觀音
像積年未成夜夢人曰江夷於觀音無緣可改為彌
勒顓即馳報而夷書已至俱於此夕感夢及改造彌
勒觸手成妙其像在三會
指龍華寺
元興元年秦羅什法師自弘始四年以來譯遺教經
維摩詰經大智度論成實論等九十八部秦國譯經

沙門佛馱邪舍功德華無垢眼法稱法海童覺竺佛
念眾現法喜衆天十師譯經二十三部

二年桓玄欲重申庚冰之議令沙門盡敬王者遠法
師致書云袞袞非朝宗之服鉢盂非廊廟之器墮外
之容不應致敬王者玄得書即下令不行師復著沙
門不敬王者論以警當世論見鷹山集敬者拜也。不
敬者不拜也。重音仲再也。
○西竺曇摩流支至秦與什法師同譯十誦律○初
東土未有涅槃常住之說但云壽命長遠遠法師曰
佛是至極至極則無變無變之理豈有窮哉乃著法
性論其要有曰至極以不變為性得性以體極為宗
後羅什見論歎曰晉人未見經闇與理會師聞羅什

入關通書申好什答書并偈秦安城侯姚嵩寄羅什
新譯智論祈師為序師以文廣鈔為二十卷而別序
之○羅什弟子有生肇融叙時號關中四聖道生者
初入廬山蓮社後至長安從羅什見法顯譯泥洹經
云六卷除一闡提皆有佛性師曰阿闡提人此云信
含生之類何得獨無佛性此經來未盡耳乃唱闡提
之人皆當成佛眾以為邪說并經於律當擯生對眾
誓曰若所說契合佛心願舍報日踞師子座於是束
身南還入虎丘山聚石為徒講涅槃經至闡提處則
說有佛性且曰如我所說契佛心否群石皆為點頭
後還廬山聞曇無讖重譯涅槃至聖行品果云一闡

提人雖復斷善猶有佛性尉喜不勝掌謂聖教東流
譯人重阻多滯權文鮮通圓義於是檢閱真俗精錄
空有乃著善不受報論頓悟成佛論佛性常有論法
身無色論佛無淨土論並龍罩舊說妙有淵旨守文
之徒嫌嫉競起一日升座說法俄見塵尾墮地隱几
而化○僧肇初見什什曰法中龍象也著般若無知
論物不遷論不真空論涅槃無名論惣名什曰吾解
不謝子文當相揖也天台宗謂什華多附通義○道融從羅什久
之師子國婆羅門獻其書至關中乞辨論什令融當
之融先閱外道經書使人錄其目秦主大集以能博
觀為誇融數其書并秦地經史十倍之乘勝嘲曰卿

乃未聞太秦有博學者乎婆羅門媿服再拜而去○
僧叡初遊外歷諸國後入廬山遠師社來京師止烏
衣寺講說久之入關中從羅什風神明澈見者畏敬
秦主因朝會指師謂姚嵩曰四海僧望也

義熙二年師子國獻白玉佛像高四尺二寸○遠法
師所居東林流泉匝寺下入於溪師每送客過此有
虎號鳴因號虎溪後送客未嘗過獨陶潛道士陸脩
靜至語道契合不覺過虎溪因相與大笑世傳爲三
笑圖○蜀賓沙門佛陀邪舍此云覺明至京州誦出四分
律與竺佛念同譯

四年遠法師以江東經卷未備禪法無閒律藏殘闕

乃令弟子支法領等往天竺尋訪獲梵本於于闐遇
佛馱跋陀羅乃要與東還

六年初劉程之入廬山依遠法師念佛師曰官祿魏
龜何以不爲程之曰君臣相疑吾何以爲居山十五
年專志念佛是年八月見阿彌陀佛放光摩頂即對
像焚香祝曰我以釋迦遺教知有西方淨土願持此
香先當上奉釋迦世尊次用供養阿彌陀佛願賜攝
取第三奉供妙法華經所以得生由持此經言已卧
寐西向而逝程之有隱德謝安劉裕相推薦甚力辭
不屈乃旌之曰遺民○周續之幼通五經五緯時號
十經童子公卿交辟無所就入廬山願遠公社布衣

蔬食終身不娶世稱通隱○雷次宗入廬山蓮社立館東林之側及遠公亡與子姪書曰吾託業廬山事釋和上二十年淵匠既傾良朋亦喪及今耆耇尚可厲志成西歸之津梁自今以往勿以家務相聞
七年初沙門法顯西遊經三十餘國至中天竺登耆闍崛山見老僧揖之不顧有少年來問之對曰大迦葉尊者也追之不復見顯以經像附商人至師子國泛南海達青州而還至揚都譯大般泥洹經五部大有顯法師傳

述曰此土沙門西遊者始於朱士行而唯及於西域于闐實葱河之東境耳至顯師則西踰葱嶺遠

屆五天復能取道南海東還晉地求法之勤以此師爲始也

八年罽賓國佛駄邪舍至廬山預蓮社先於秦國譯四分律長阿含又與羅什對譯十住婆沙論以歸赤號爲赤髭論主○龜茲國曇無讖至姑臧涼王沮渠蒙遜留之譯大般泥洹經四十卷後固辭西歸遜怒其去已密遣人刺於路初讖出謂送者曰某期至矣旣而遜悔自見神人以劍刺之遂卒讖在京與道龔諸師譯悲華經等

述曰罽賓害師子而臂墮命終沮渠刺無讖而神人加刃或謂聖師通達宿業方圖償債豈當使之

受報若是意者護法之神怒其于犯尊境而前人
熾惡之心自足以召之非同常人互相責報之比
也

九年迦維衛國沙門佛跋跋陀羅此云覺賢至廬山入社
遠法師請譯禪數諸經自是江東始耽禪悅

十年廬山西林永法師示疾忽合掌西向曰佛來也
安坐而化異香七日方歇遠法師居東林三十年師
居西林亦如之鎮南將軍何无忌至虎溪召之遠師
久持名望從徒百人高言華論舉止可觀而永公納
衣半腰荷鋤持鉢松下飄然而來神氣自若无忌歎
曰永公清散之風乃多於遠公也腰形定反

十二年遠法師久修淨業三瞻佛相以是年八月六
日感佛來迎倏然神化遺言露苑林下弟子不忍乃
奉全軀葬于西嶺謝靈運製碑張野作序宗炳復立
碑于寺門初師在山行道與名儒劉遺民雷次宗周
續之宗炳張野張詮沙門永法師慧持遠師之弟道生曇
順從羅曇首從羅曇瑗從羅曇恒道丙曇詵皆遠師弟子道敬皆遠師弟子佛跋邪舍
爾寶人佛跋跋陀羅迦維衛人常同遊止世號廬山十八賢
復與僧俗百二十三人結社念佛令劉遺民著誓辭
共期西升謝靈運負才傲物一見師肅然心服為廬
東西二池種白蓮因名白蓮社靈運學求入社師以
其心雜止之掌以書招陶潛潛曰許飲即往師許之

遂造焉忽擢眉而去所著法性論不拜王者論等及
詩序銘讀凡十卷號廬山集白雲端禪師自廬山歸
本來越上遇照律師與
之其開板照師為序有云王
荆公言晉人為文無如遠公

述曰佛法起於漢至晉而益盛然競演經論各事
專門獨東林法師始以念佛三昧之道開先一時
貽則千古蓋知其為此土人根為道之要故能結
社招賢來名儒而致高釋臨終神化感佛遂以獲
往生期為一生取證永居不退之至道也師之言
曰功高易進念佛為先凡在修門請事斯語

會稽太守孟顓事佛精懇而為謝靈運所輕嘗謂顓
曰得道應須慧業丈人生天當在靈運前成佛必居

靈運後顓憾之

十三年初餘杭山沙門法志常誦法華有雉翔集座
隅如聽受狀越七年雉殞志瘞之夜夢童子拜曰因
聽經得脫羽類今生山前王氏家志詰朝還問之如
其言王氏一日設齋志方踵門兒曰我和上來也志
撫之曰此我雉兒也解衣視腋下有蟲因名曇翼初十
歲令入山出家十六落髮以腋有蟲因名曇翼初十
廬山依遠法師續往關中見羅什後東遊會稽入素
望山誦法華經越十二年有女子身披彩服攜筠籠
盛一白朶兩根大蒜至師前曰妾入山采薇日已暮
矣豺狼當道歸無生理敢託一宿師卻之甚堅女哀

鳴不已遂以草牀居之夜半號呼腹疼告師案摩師
乃以布裹錫杖透為案之翌旦女以彩服化祥雲來
變白象赫化雙蓮凌空而上謂師曰我昔見菩薩也
以汝不又當歸我衆特來相試觀汝心中如水中月
不可染汚既而天上雨華地皆震動鄉人聞見莫不
稱歎是日太守孟顗方晨起視事忽見南方祥雲光
射庭際隱然金石絲竹之音訪知普賢示化遂以師
道行上聞于朝敕建法華寺今天師既亡法華寺為遺
山中唐武宗廢法華寺南中○沙門法華為遠
法師弟子誦法華為常業鄰人夜間見師房前有兵
仗相衛之狀道俗傳聞莫不尊敬○沙門曇邃止河

陰白馬寺凡誦正法華兼通講說夜夢一人叩戶請
法師九旬誦經遂不名固請乃起忽見身在白馬塢
神祠弟子一人亦預自是每日密往一旦寺僧過祠
下聞講說之聲見對設二高座異香郁然夏竟神施
白馬一疋白羊五頭絹五十疋用充講嚮師即咒願
受之

十四年吳內史孟顗請佛馱跋陀羅於建業謝司空
寺譯華嚴經六十卷有二青衣且從他出灑掃研墨
時慧嚴慧觀為筆受

恭帝

德文安

元熙元年帝深敬佛道詔於瓦官寺鑄釋迦佛丈六

金像畢功之日。放光滿寺。傾都人士咸致供養。

宋建

高祖劉裕受

永初元年帝設齋內殿令沙門道照陳詞至百年迅速苦樂俄頃之旬帝善之別賜觀金三萬○帝始生有神光之異既長遊下邳遇異沙門於逆旅曰天下喪亂拯之者其君乎時患手瘡沙門以黃散藥留之忽不見以藥傳瘡一治而愈尋遊京口竹林寺獨卧誦堂前有五色龍章諸僧驚以白帝帝曰上人無妄言冀州沙門法稱謂其弟子曰嵩嶽神言江東有金將軍漢之苗裔應天受命吾以璧三十二枚鎮金一

金為信帝聞之令釋慧義往嵩山求之俄夢長須翁以杖指石下來曰詣廟所石墮求之果獲因得獻上帝夢異僧語之曰君前世曾施維衛佛一鉢之飯今報斯位○司徒王謐見東掖門地有光掘之得金佛一軀高七尺二軟置臺中供養○車騎范泰於宅西建祇洹寺謝靈運於石壁山建招提寺○黃龍國沙門曇無竭與僧猛等二十五人往西天求經越二十年唯無竭還揚都譯經

少帝義符高祖長子

景平元年燭賓沙門佛陀什於揚都龍光寺譯五分律南山云四部之文無感斯律但弘通蓋寡良可長歎

文帝

義隆高祖第三子

元嘉元年，蜀賓國沙門曇摩密多至建康，譯禪經，觀普賢行法經等十部。自表皇右皇子以下，傾都禮敬。○西天沙門曇良邪舍譯觀無量壽佛經。

述曰：文帝嗣位之初，觀普賢無量壽二經，同時而至。至今持誦者，為尤盛。是知元嘉之際，尊敬大乘五國來貢，咸贊奉法，自渡江以來，未有此時之光大也。

二年，詔於京師為高祖建報恩寺。○救沙門道祐往郢縣修阿育王寺，塲地得金合，盛三舍利佛爪佛髮。詔建浮圖三級。

三年，神僧杯渡初出冀州，挈一木杯，渡水必乘之。因

號杯渡行，荷蘆圈。

求遠反，以蘆為圈，如圍也。

廣陵李氏飯僧，渡以

圈，置庭中，坐席上，食畢，提其圈呼曰：「四天王時，有童

子見圈中四小兒，長數寸，眉目如畫，及追之，已失所

在。」○西天沙門伊葉波羅來彭城，譯經。○徐州刺史

王仲德於宋王寺造丈六金佛，每有寇難，則像身流

汗。

四年，京州沙門智嚴譯瓔珞本業經等十四部。○沙

門慧琳以才學得幸，詔與顏延之同議朝政。琳著高

僧披貂裘，孔顥戲之曰：「何用此？」黑衣宰相，尊若黑白

論，與佛理違矣。衆論排之。見弘明集。琳後感膚肉糜爛，歷

年竟死時以爲報救之報

五年迦毗羅國月愛王師子國刹利摩訶王皆遣使入貢帝答摩訶王曰此小乘經甚少國中所有幸皆寫送

六年帝幸祇洹寺觀度童子慧基

七年訶羅陀國入貢其表曰伏承聖上信重三寶興

立塔寺周滿世界今故遣使表此微心○初帝聞蜀

賓三藏求那跋摩名此云力德詔交州遣沙門道敏杭

海邀之跋摩忻然附舶至廣州上遣使迎至金陵命

居祇洹寺僕射何尚之等並師事之請講華嚴前覺賢譯

六計以未通華言禱於觀音夜夢力士易其首且起

猶覺微疼遂徧曉東語帝嘗問曰朕欲齋戒不殺迫

於徇物不獲于志對曰帝王正夫所修各異足夫身

賤名劣言今不威若不克已將何以濟帝王以四海

爲家地民爲子出一嘉言士民咸說布一善政人神

以和則風雨應時百穀滋茂如此持齋德亦大矣寧

在輟半日之餐全一禽之命然後弘濟邪帝歎曰俗

迷遠理僧滯近教如法師之言可謂盡天人之際師

在祇洹講華嚴十地品帝率公卿日集座下法門稱

榮

十年訶羅單國入貢表稱常勝天子陛下○西天僧

伽跋摩至建康敕住平陸寺爲京師沙門慧照三百

七十人渡蔡洲岸於船中再受具戒或問其意照曰以疑先受若中若下更求增勝故須重受依本臘次

重直用反再也

述曰此由照等先受戒不如法故於船上結界攝僧以便行事耳今人年少輕心受戒不知方便不能有所感發尚未沾於下品則於再受誠得其宜薩婆多論云重受增為上品本夏不失若此則中下尚須增受况未能感發者乎或問先已聞羯磨今若再受則先聞成盜聽者然於當時輕心無知既不能領聖法尚何盜聞之咎明律高德更須一評

十一年求那跋摩於南林寺立戒壇為僧尼受戒為震旦戒壇之始時師子國比丘尼八人來未幾復有尼鐵索羅三人至足為十眾乃請僧伽跋摩為師為景福寺尼慧果等於南林戒壇依二眾重受具戒度三百餘人

重直用反再也

述曰僧史略之言云漢度阿瞢受三歸也晉度淨檢從一眾也二眾得戒自此年慧果始也

十二年閻婆國入貢表曰宋國大主大吉祥天子教化一切降伏四魔轉尊法輪度脫眾生我等在遠亦霑靈潤○慧詢律師善僧祇十誦律製文敷演此解十誦之始也○敕尼寶賢為京邑尼僧正○帝謂侍

中何尚之曰范泰謝靈運常言六經本在濟俗若求性靈真要則必以佛理為指南近見顏延之折達性論宗炳難白黑論並見弘明集並明達至理開獎人意若率土皆淳此化則朕坐致太平矣尚之曰渡江已來王導周顒庾亮謝安戴逵許詢臣高祖兄弟何亮兄弟也莫不稟志歸依夫人能行一善則去一惡去一惡則息一刑一刑息於家萬刑息於國此明旨所謂坐致太平者也故圖澄適趙二石減暴靈塔放光符捷損唐神道助化昭然可觀至於土木之功雖若糜費然植福報恩不可殫絕尚之又曰夫禮隱逸則戰士息貴仁德則兵氣銷以孫吳為志勸期吞并則將無取

平堯舜之道豈特釋教而已哉帝說曰釋門之有卿猶孔門之有季路所謂惡言不入於耳也○沙門功德鎧功德賢諸師譯經九十部○竺道生卒於廬山生立佛性義為帝所重王弘范泰與之為友帝設御齋親臨地坐食至衆疑非時律以過午為非時帝曰始可中矣謂午時生曰白日麗天天言始中何得非中取筋便食謂中時衆歎其機辯○曇摩密多於鄭縣建何育王寺塔

十三年詔求沙門能述生法師頓悟義者庾登之以法瑗瑗音援舊譚召見瑗申辨詳明何尚之歎曰意謂生公之沒微言永絕今復聞象外之談備宮寺成召

師居之。帝每臨幸聽法。○蒲靜寺。居智道。羅道。適梁
群甫生子。七歲家貧。無衣。思為尼。時有素絹。所書法
華經。即浣搗。為衣。著兒體。忽遍身生瘡。白蟲周匝。號
叫旬餘而死。聞空中告云。壞經為衣。得此。剋報。
十四年初。郡人孫彥曾家世奉佛。有妾王惠。稱常誦
法華。忽見江浦有光。掘之。得金佛一軀。光有銘曰。建
武六年庚子。官寺道人法新造。前稱建武者。唯晉元帝而止。及元帝。○
尼道壽。誦法華。滿三千徧。每見光瑞。空中有寶蓋垂
覆頂上。

二十年沙門慧嚴卒。帝詔慰曰。嚴法師。氣識淵遠。道
學之匠。奄爾遷神。痛悼于懷。可給錢五萬。布五十匹。

二十二年。初范曄華音負才。不得志。與孔熙先謀廢立。
事敗。死獄中。祇洹寺沙門曇遷素與曄友。賣衣孟為
營葬具。魏世祖聞而歎賞。謂徐爰曰。卿著宋書。無遺
此事。

二十三年。魏世祖與司徒崔浩奉道士寇謙之詔。天
下焚毀經像塔廟。誅戮沙門。詳見通鑑卷第四

二十七年。王玄謨北征失律。蕭斌欲誅之。沈慶之諫
曰。佛狸魏中祖小字威震天下。豈玄謨所能當。殺戰將。徒
自弱耳。乃止。初玄謨將見殺。夢人告曰。誦觀世音經
千徧。可免。仍口授其經。曰。觀世音南無佛。與佛有因。
與佛有緣。佛法相緣。常樂我淨。朝念觀世音。暮念觀

世音念念從心起念念不離心既覺誦之不輟忽唱
停刑後官至開府年八十二

二十九年魏文成即位大復佛法

孝武帝

廢文帝子

孝建元年詔建孔子廟制同諸侯之禮○敕沙門慧
璩為京邑都維那○文帝諱曰上中興寺建八關齋
中食竟從臣袁敏孫等更進魚肉帝怒並與免官○
召沙門道歆入內殿說法上稱善敕為新安寺法主
○吳興沙門僧瑜初於廬山建招提寺常持法華是
年六月謂友人曰結累三塗情形之故情將盡矣形
亦宜損藥王之轍獨何遠哉遂別毀入柴龕端坐誦

藥王品發炬以焚衆見紫氣騰空旬日所居生雙樹
樹識者謂是娑羅雙樹之兆

大明四年路太后於中興寺造普賢像設齋忽有異
僧見于座衆驚問之對曰慧明自天安來言訖不見
言改為天安寺○敕沙門道溫為都邑僧正○西
天沙門功德直至荊州同玄暢譯經直每舒手出香
掌中流水

五年廬陵太守周湛進金像高九尺三寸言僧法均
夢中獲之因尋訪至三曲江光浮水面求之果得獲
既而長沙郡進金光趺云漁人得之水上安其像如
一○魏使李道固來朝帝以中興寺僧鐘有才辯召

爲館伴與語不已過中不食道固曰無乃爲聲聞邪
瑾曰應以聲聞身得度者即現聲聞身而爲說法時
母名對

六年四月八日帝於內殿灌佛齋僧○沙門惠簡等
譯經二十六部

七年竹林寺沙門慧益誦法華誓焚身帝遣使諫不
聽以佛生日詣闕辭帝囑以佛法往鍾山入油鑪以
布纏身焚之帝駕往勸止不從衆聞誦藥王品忽
聞笳管之聲異香芬馥夜帝夢師囑付護法翌日設
大會詔於焚身處建藥王寺

八年十月制沙門盡敬君上沙門僧遠聞而歎曰我

自出家爲僧何關帝王事邪即日拂衣歸鍾山

前廢帝

子業武帝太子

景和元年正月制停沙門致敬○沙門法益等乞泛
海往天竺請求經法至廣州值海寇作難不果往
○沙門覺壽譯沙彌塞律一部

明帝

或文帝子

泰始元年詔於建陽門置興皇寺勅沙門道猛爲綱
領帝曰人能弘道今得法師非直道益蒼生亦乃有
光世望乃下詔曰猛法師風道多濟朕所賓友可月
給錢三萬今史四人白簿吏二十人車及步輿各一
乘又詔僧瑾爲天下僧主賜法技一部

作技者女樂

今稱法我則是法門幢幡義親信二十人月給錢三萬及車輿吏力

二年實誌大士往來皖山戶板反徒跣著錦袍以剪尺鏡拂挂杖頭負之而行兒童見者譁逐之或微索酒或晏日不食嘗遇食贍者從來之食吐水中皆成活魚時時歌吟如識記初金陵朱氏聞兒啼鷹巢中舉以為子七歲依鐘山僧儉出家專修禪觀俗呼為慧公李白讚刀齊尺架拂迷陳蓋是說語

三年帝幸莊嚴寺觀三教談論○周顒遷直殿省時帝好文理而遇人慘毒不敢顯諫輒舉佛經罪福事帝為之遷善願著三宗論言空假義西京州道人實

林遺書以贊義之○敕尼淨秀所居為禪林院秀有神異感夢伽羅龍王兄弟來護常有三十二童子功

德天善女天以任驅役三十二童子應是三十二天所服袈裟色如熟樨見諸尼不如法即行摩那埵懺悔之法慈言意喜由懺悔故自意歡喜亦使衆脫微喜也自是京師二部莫不精持淨遊兜

率天持天波利謂其師曰可齋堂中坐禪沙門○逸士顧歡作夷夏論以佛道二教齊乎達化而有夷夏之別歡雖同二法而意黨道教司徒袁粲託沙門

通公為論以駁之謂孔老教俗為本釋氏出世為宗發軔既殊其歸亦異常侍何鎮之亦以書詒歡言道

家經籍簡陋如靈寶妙真之類采撮法華制用尤拙

統紀卷之七 北九

上清黃庭餐霞咀石非徒法不可效道亦難同雖五千之文稍長終不若三乘共引九流俱接之為得也出弘明集及南史顧歡傳○沙門竺法春等譯無盡意經第十二部○帝聞廬山陸脩靜有道築崇虛館以禮致之順風問道朝野歸心

後廢帝

昱明帝太子

元徽三年定林寺法獻往天竺求經至于闐國得佛牙舍利法華提婆品以歸

五年正月陸脩靜昇解仙化詔謚簡寂先生以廬山故居為簡寂觀

順帝

準明帝第三子

昇明元年敕沙門法持為天下僧正

齊

建康

高帝

肅道成

建元元年帝幸莊嚴寺聽僧徒法師講維摩經御座稍遠中書令張緒請遷講席以鄰帝座

二年益州刺史傅琰言沙門玄暢建齊隆寺咸青衣神人還山守衛敕蠲百戶用充資給○帝幸鍾山僧遠所居遠牀坐辭以老病不出迎以房門狹不容車遣使特勞問

三年中天竺沙門曇摩邪舍譯無量義經
四年詔沙門法穎為京邑僧主○詔迎皖山誌公入

京公營其面為十二面觀音帝以其威最惡之

武帝

順高帝太子

永明元年帝於華林園設八關齋戒帝微時避難揭陽山中累石為浮圖忽有一樹生其側狀如華蓋○西天沙門達摩提來譯提婆達多品○鍾山僧遠居山五十年天下仰其高德及亡帝致書慰弟子法獻曰承遠上無常弟子中夜已自冥知遠上此去甚嘉遙見法師方可叙瑞夢耳遠上者遠和上也○敕長干寺玄暢同法獻為僧主分任江南北事時號黑衣二傑二年詔沙門僧鎮見于乾和殿但稱貧道帝問僕射王儉曰古之沙門何所稱對曰漢魏此道未盛無所

傳聞晉宋以來多稱貧道而使預座晉之中世庾亮桓玄欲使盡敬事竟不行帝曰歡暢二師道行如此尚乃稱名况復餘者掛拜則制稱名亦無嫌

四年沙門僧護於剡縣石城山見崖間光如佛燄乃鑄石為彌勒佛纔成面像初是晉世有沙門曇光至剡山石室宴坐有雕虎丹蟒造前依足與授三歸並即引去已而山祇盛飾來見光為說法神奉山以結伽藍名曰隱岳同學于蘭復創寺於旁曰玄化護既造像乃即像所建剡名石城與兩寺鼎足而居齊末沙門僧淑來繼其功至梁武帝舉兵東下用度不足建安王偉文帝第八子取襄陽銅佛毀以為錢富僧藏繼

舉兩反漢志藏錄
千萬注錢貫也

多加毒害後刺江州感惡疾有始

豐縣令陸咸

台縣

夢沙門三人謂曰建安王染患由

於宿障刻縣僧護造彌勒石像若能成濟心作康復

咸還都經年出門遇僧謂曰建安王事猶能憶否忽

然不見咸大感悟遂以白王即召定林寺僧祐律師

因舊功鑿入五丈

鑿鑿限反平木
鐵器又去聲

至天監十五年畢

功像身光燄通高十丈王疾既愈遂留神釋學益悟

佛理唐道宣律師見天神謂之曰師即僧護僧淑僧

祐後身故世稱爲三生石佛云

出南史及劉勰石像碑
天人咸傳傳後世備

見三事述
故光錄于此

五年交州進真珠佛像司徒竟陵王子良居西邸

招致名僧誦論佛法造經唄新聲數營齋戒躬爲僧

倫賦食行水嘗夢東方普光世界天王如來說淨住

淨行法門因著淨住子二十卷及三寶記劉霽母

明氏寢疾霽誦觀音數萬遍夜夢僧曰夫人等盡君

精誠篤至當爲申延後六十日乃亡霽廬墓哀慟常

有白鶴雙翔廬側

南史

○劉歊隱居求志事母兄以

孝悌母每病夢歊進藥翌日有問弟劉計精意釋典

與歊聽講鐘山諸寺因共卜築東澗計常著穀皮冠

披納每遊山澤輒留連忘反

南史

六年僧伽跋摩於廣州竹林寺譯善見毗婆沙律

七年平原居士明僧紹舍攝山宅爲棲霞寺○帝以

誌公幻感俗衆收付建康獄是日國人咸見大士遊行市井其夕語吏曰門外有兩輿食爲我取之既而文惠太子竟陵王送供至建康令以聞帝悔謝奉迎至禁中館于華林園○竟陵王於弘濟寺講成實三論夢中作維摩一契命僧辯傳諒之群鶴飛舞于階詠畢而去○西天沙門摩訶乘德進等譯諸經律八年帝不豫詔諸沙門祈佛聖僧至七日感天香滿殿聖僧影迹堂內金錫振響已而康復○等與王蕭子懋年七歲母阮淑媛病請僧行道有獻蓮華供佛者漬銅甕中主流涕禮佛曰若阿媛因此和勝願華竟瘳不萎七日齋畢華更鮮紅視甕中稍有根須母

疾遂愈當世稱其孝感

十一年誌公在華林園忽重著三布帽未幾帝崩文惠太子豫章王相繼而殂

明帝

鸞高帝兄
始安王子

建武二年召劉蚪爲國子博士不起蚪隱居江陵沙洲衣麻辟穀六時禮佛注華嚴經以頓漸二門判教又注法華經躬自講說是年冬有白雲徘徊欄宇異香入戶聞磬聲而卒

四年誌公於平旦出宮門忽曰門上血腥及帝遇害果以犢車載屍出此門頸血流墮門限徐陵兒時父攜之以候公公摩其頂曰天上石麒麟也

永泰元年滕曇恭年五歲母楊氏患熱患食寒瓜
章士俗不產曇恭歷訪俄遇一僧曰我有兩瓜分一
相遺忽失所在及父母卒曇恭蔬食終身晝夜哀慟
門外有二冬生樹有神光自樹而起俄見佛像侍衛
之儀家人咸共禮拜久之乃滅時人號為滕曾子
東昏侯寶卷明帝次子

永元元年扶桑國僧慧深來京師言其國在大漢東
海外多稱中國為漢者存舊稱也三萬里宋大明五年宋孝武罽賓國
沙門五人至其國流通佛法

案東方朔十洲記扶桑在東海去東岸一萬里海
水碧色甘香扶桑在碧海中地方萬里大帝太

所治林木如桑兩兩同根更相依倚故名扶桑仙
人食其根體作金色今慧深言去東二萬里當是
遠人不測此中地里故言若此

尾官寺有師子國王像戴安道手製佛像五軀顧長
康羅摩畫圖世謂之三絕東昏侯取玉像為潘貴妃
毀作釵釧都人為之歎恨

法運通塞志第三

法運通塞志第四

佛祖統紀卷三十八

天宋咸淳四明東湖沙門 志磐 撰

梁

康

武帝

新

天監元年帝夢釋迦檀像入國天竺優曇所造者乃遣郝塞

等郝黑往西竺求之○于陁利國入貢云其王夢異

僧曰東土有聖王出十年之後佛法大興○制僧尼

犯過並依佛律行罰○庾詵少與帝善及起兵署為

記室不就山居蔬食六時禮懺誦法華經於後夜見

一道人自稱願公呼詵為上行先生後寢食驚覺曰

願公復來吾其去矣舉家聞上行先生已生淨土詵

謚貞節處士

二年帝問誌公國有難否誌指喉及頸識侯景也事國幾

何曰元嘉元嘉宋文帝元嘉至三十年帝臨政苛急

誌假帝神力見先君受苦地下由是即刑掌詔張僧

繇寫誌真誌以指發破面門出十二面觀音相或慈

或威侍繇竟不能寫時法雲雲光二法師每講法華

天華飛集帝以其證聖於便殿夜焚香請誌公及光

雲齋翌日誌公獨至○扶南國沙門曼陀羅來進瑞

珊瑚佛像詔譯經於揚都○四月八日帝於重雲殿親

製文率群臣士庶二萬人發誓提心求乘道教其文

云願使未來生壯童真出家廣弘經教化度含識同

成佛道寧在正法中長淪惡道不樂依老子教

生天十一月敕公卿百僚侯王宗族並棄道教舍邪

歸正

三年帝御重雲殿講經以枳園寺法彪為都講彪先

一問帝方酬答載索載微並通玄妙

四年詔天下立孔子廟○帝嘗夢神僧曰六道四生

受苦無量何不作水陸大齋普濟群靈帝乃披覽藏

經創製儀文三年乃成遂於金山寺修供命沙門僧

祐宣文大歡感驗事具光頭志○敕於舊宅建光宅寺因

宅七日放光故以為名勅法雲法師為光宅寺主創

立僧制為後世法○沙門智校善涅槃淨名尤通莊

老後值冠還俗道士孟悉達勸為黃冠見道家諸經略無宗旨遂引佛教為之潤色解西昇妙真諸經義皆自稜始武帝未捨道教時引稜於五明殿堅義暮年為諸道士講西昇經忽失音舌卷於座上委頓而死衆以為叛教之報僧錄

五年扶南國沙門僧伽波羅來

六年御注大品般若經詔光宅雲法師為百僚講說十年中天竺釋迦檀像至帝率百僚迎入太極殿建齋度人大赦斷殺結是弓力並作蓮華塔形維戶怪反謬也初郝騫謝文華等八十人應詔西行求像至舍衛國

此云開物屬中天三國

從王請像王曰此中天正像不可適邊

乃令三十二匠更刻紫檀人圖一相卯時運手午時已就頂放光明降霏香雨騫負像東還及渡大湍掌聞甲冑之聲在後忽異僧禮像而言曰毗舍羅神王護像至彼廣作佛事言訖而隱其後元帝於荊州城北造大明寺奉安其像○詔僧旻法師入殿講勝鬘經公卿畢集劉葉問曰法師佛學有餘何故多申儒旨旻曰昔生公以頓悟通經次公以毗曇發論若貪道初不以儒釋為限但據文義所向耳有沙門道超慕旻講業誓欲齊之夢天神告曰旻公於毗婆尸佛時預宣法化君新發意何可類及○何胤入鍾山定林寺聽內典通其旨後隱居若邪山雲門寺二兄求

點並從接道號點為大山胤為小山亦曰何氏三高
謝舉長玄理及釋氏義為晉陵郡守與義學沙門
互譎經論徵士何胤自武丘出赴虎丘祖譎唐高祖之
光宅雲法師講法華經感天華滿空下如飛雲帝以
九陽問誌公公曰雲能致雨帝因請講其華至其澤
普洽即大靈儀同表邸家有常供養僧發願欲如師
慧解夢一僧謂曰雲法師燈明佛時已講此經那可
卒及○上集諸沙門製文立誓求斷酒食其略云弟
子蕭衍從今已去若飲酒放逸啖食衆生乃至乳蜜
酥酪一切鬼神先當苦治弟子將付地獄衆生成
此在河鼻僧尼飲酒食肉亦應如此加治是時復

集僧尼一千四百四十八人於華林殿請雲法師講
涅槃經中食肉斷大慈悲種子之文上親席地與衆
同聽

十一年勅寶亮法師撰涅槃經疏上親為製序

十二年特進沈約著中食論謂執利榮名妖妍靡曼
甘旨肥醲皆使心神昏惑不能得道故聖人禁此三
事云

十三年初誌公薨與帝登鍾山指獨龍岡曰此為陰
宅先行者得之是年順化於華林園佛堂帝憶其言
詔有司具葬此地建浮圖五級其上車駕臨葬致奠
忽見大士涌身雲間乃為立開善寺

十五年西天沙門自圖其形于吳中靈巖寺像遇夜起行道祈禱神應後有梵僧曰此智積菩薩也○華陽真人陶弘景建菩提白塔于三茅山嘗夢佛授記名勝力菩薩乃詣鄞縣阿育王塔自誓受五大戒終不用沐浴以大袈裟覆衾蒙首足弟子遵之書十六年勅太醫不得以生類為藥郊廟牲犴皆代以麩宗廟薦羞始用蔬果惟食金牛餅色述曰祭天地祀宗社必殺牲以備物皇王以來用以為法有國家者掌之為故且不敢有所議也夫司天地之化所以稱上帝稱皇天右者至聖至神也烏有神聖而好殺牢之命肯歆腥臊之食哉

由夫上古之俗茹毛飲血以是養已必以具其神朴陋之見曾不知牲牢腥臭之為瀆也蒸民既粒俗不能變聖賢救世師古法以著之禮經於是後王遵而行之莫或敢議其可不者以養已猶古不思事神之不當瀆也夫果於殺命不仁也薦以腥臭不義也以不仁不義為養已之舊習尚當思有以節以求全好生之心豈於事天地祖宗之神靈而欲以牲牢腥臭之物以瀆之哉自佛法東漸勸修齋戒天帝尚知事佛豈人事天而不知事佛乎知所以事佛則不當以牲牢瀆天為可信矣惟梁有武皇魏有獻文勅郊廟祭祀不用牲犴而易之

以蔬麪酒果可謂違古而道奉黍稷薦明水是亦
三代之祀法也烏在乎牲牢腥臭之物哉

慈雲法師於天台勸民俗祀神改祭為齋其文有
曰天子七廟下至庶人皆同祭祀圓丘方澤上下
神祇國之常典勸令斷祭無乃大傷國風乎釋曰
祭祀出俗典改祭據佛經俗典則未述殺害佛經
則唯重慈悲殺害則報在三途慈悲則果成萬善
以善改惡無不可者

勅廢天下道觀道士皆反俗○勅沙門惠超為壽光
殿學士召衆僧法集講論注解經文並居禁中此四
僧場

律之

十八年會稽沙門慧皎謂寶唱名僧傳頗多訛誤
著高僧傳始漢永平開德業為十科其自序云前古
撰集多曰名僧然名者實之實也若實行潛光則高
而不名若寡德適時則名而不高名而不高茲焉用
紀高而不名則備今錄世以為確論

晉通元年沙門衆養於揚都譯丈殊般若經等十一
部帝親筆受令寶唱繼之○帝於禁中築圓壇將稟
歸戒妙選賢明朝議以草堂慧約法師應詔四月八
日帝服田衣北而敬禮受具足戒方行羯磨甘露降
于庭有三足烏孔雀二歷階馴伏錫師號曰智者自
是入朝必設特榻而帝座其側自太子諸王公卿僧

俗從約受戒著錄者四萬八千人沙門若父五蓋反

亦從師重稟重音仲法雲獨曰吾既受戒矣其可以

法為人事邪議者高之約姓真出都

普通二年詔雲光法師於內殿誦法華經天雨寶華

三年詔修鄧縣阿育王寺

六年敕光宅寺法雲為大僧正官給吏力僧正居於

大大通元年即北魏孝明武泰元年南天竺菩提達磨汎

海至廣州詔入見帝問曰如何是聖諦第一義菩提

達師云廓然無聖國他六達磨與帝曰對朕者誰國他

師云廓然無聖

人代見師云不識

師遂渡江入魏西魏帝問曰如何是聖諦第一義菩提

身群臣以錢一億萬奉贖皇帝歸宮

二年盤盤國進佛牙

中大通元年京城大疫帝於重雲殿為百姓設救苦

齋以身為禱復幸同泰寺設四部無遮大會披法衣

行清淨大會素牀犀器乘小車親升法座為眾開涅

槃經題群臣以錢一億萬奉贖皇帝設道俗大齋五

萬人

二年帝幸同泰寺設平等大齋○丹丹國進象牙佛

像

三年十月帝幸同泰寺講涅槃經十一月講金字般若經

五年帝幸同泰寺發金字般若經題自太子已下聽法者三十萬九千六百人○吏部尚書到溉家居蔬食朝夕從僧禮誦帝為月三致淨饌所得奉祿奉音奉者常音鳳市且於漢書什充蔣山二寺山即鍾也卒

及顏色如生手屈二指

六年烏傷居士傅舍至松山結菴雙檟樹間自號雙林當來下生菩薩詔報曰大士為度衆生欲來隨意帝預勅鎖門以觀其異大士袖出木鐺一扣諸門盡閉見

帝於善言殿謁者三贊不拜直上御榻對語設齋食竟出鍾山坐定林松下大士一日披納頂冠敕履見上上問是僧邪士以手指冠是道邪以手指履是俗邪以手指納衣汾陽中什云大士多能○剡川尼法宣誦通法

華坐卧見帳蓋覆其上父母令就齋明寺出家是日帳蓋即不見自是博覽經論深探奧理衡王元簡為郡守請為越城母師○盤盤國進佛舍利

大同元年帝幸同泰寺設無遮大會○智者約法師亡帝輟朝三日素服哭之從師受戒者四萬八千人皆服總麻哭送塔于誌公之左○勅於重雲殿為善慧大士別設一榻講三慧般若經公卿畢集天子至

梁武帝迎大士不動御史問其故答曰法地若動一切法不安帝善之○隱士趙伯休於廬山遇律師弘度得衆聖點記云佛滅後優波離結集律藏以其年七月十五日自恣竟於律藏前便下一點年年如是波離以後師師相付至僧伽跋陀羅將律藏至廣州當齊永明七年_{庚午}七月十五日自恣竟即下一點其凡得九百七十五點伯休問曰永明七年後云何_無度曰已前皆得道人手自下點吾徒凡夫止可奉持耳伯休因點記推至大同初凡一千二十年與傳記參合世尊生滅之年皆不同蓋其宗承有異也二年帝幸同泰寺設無昇大會_{是年凡三設}

大會○華陽真人陶弘景告化香氣積日不散謚真白先生所撰書曰真誥有云清虛縹真人弟子三十四人其十八人學佛法餘學仙道紫陽周真人弟子十五人四人解佛法桐柏真人王子喬弟子二十五人八人學佛法對會稽東去岸七萬里其西小方諸山多有奉佛道有浮圖高百丈金玉鏤之_{鏤奉佛道不作此立}○桓闢爲陶隱居執役十餘年一旦有青童白鶴自天而下曰太上召桓先生隱居問何道至此君曰修默朝之道積年矣即昇天而去三日帝降隱居之室曰君之陰功著矣所修本草以蠶蟲水蛭葷爲藥害於物命一紀之後但解形去世爲蓬萊都水監耳

隱居乃以草木藥可代物命者著別行本草三卷以贖過

三年詔修長干塔掘基得石函內有金甕流蘇瓶盛舍利爪髮勅分入二塔同放光明○帝幸同泰寺鑄十方佛金銅像復往阿育王寺在越州設無量法食大赦天下○昭明太子統薨太子天性好佛於東宮別立慧義殿為法集之所招延名僧立二諦義堂世美之○岳陽王蕭詵梁同之子鎮越州重修剡木二塔先是沙門曇彥與許詢同造此塔未就而詢亡彥至是年百二十歲詢後身為蕭詵預告門人曰許玄度來也詢字時言先承誌公密示才入州便詣寺訪塔

妾出門召之曰許玄度來何莫昔日浮圖今如欲遂以三昧力加之即悟前身造塔事唐天啓

四年帝幸同泰寺設盂蘭盆齋梵語孟蘭盆此云解倒

此供得脫母○通事舍人劉勰音賜雅為太子所重凡

寺塔碑碣皆其所述石城石像碑見存是年表求出家賜名

慧地

五年勅沙門寶雲往扶南國迎佛髮

六年詔越州守臣蕭詵重修阿育王寺○扶南

國王遣使朝貢請釋迦像及經論敕賜制止沮槃般

若金光明講疏一百三卷○北齊慧文禪師於河南

為慧思禪師說三觀口吹

七年百濟國遣使朝貢請經論勅賜沮槃疏

十年干闥國遣使貢玉刻佛像

中大同元年帝幸同泰寺講金字三慧般若經行清淨大舍皇太子群臣以錢一億萬奉贖歸官是夜寺浮圖火上曰此魔所為也乃詔曰道高魔盛行善障生遂更起十二層浮圖

太清元年帝幸同泰寺設無遮大會行清淨大舍并妙嚴殿講金字三慧般若經群臣以錢一億萬奉贖歸官○西天竺三藏真諦來勅於寶雲殿譯金光明經等十部○時釋子多縱逸主僧不能制帝欲以律行信正事詔下藏法師執不可帝不能奪藏謂眾曰

衣冠子弟十輩豈能俱稱父意今糠糲五方之衆而殺以一已好惡繩之可乎帝自受具戒寢處略同沙門雖宮禁亦忽僧遊覽一日藏師竟登御座左右訶之藏曰貪道定光金輪之裔寧媿此座倘欲見殺不慮無受生歟帝特令不問

二年侯景反於壽陽初景在東魏以河南畔歸西魏既而遣使至梁求內附上納之封河南王

三年侯景至建康陷臺城入見上於太極殿以甲士五百自衛帶劍上殿拜訖上神色自若曰卿在戎日久無乃爲勞使引就三公榻景惶懼不能對出詣左右曰吾雖較臨敵矢石交下未嘗怖畏今見蕭公使

人畏懼無已反相其涉景既自稱丞相帝憂憤寢疾齋戒不妻口苦索蜜未至舉手曰荷荷遂崩帝日角龍顏舌文八字項有浮光日中無景右手成文曰武晚奉佛道日止一食唯豆羹糲飯即舊反布衣皂帳一冠三載五十便絕房室不飲酒聽樂製涅槃大品般若淨名三慧諸經義記數百卷○江陵居士陸法和隱居奉佛及侯景遣將任約擊湘東王於江陵法和與弟子八百人役神祠陰兵擊敗之復於江夏聚兵欲伐侯景王慮其為亂止之和曰貧道求佛者尚不希釋梵坐觀況人主位乎但以空王佛所有香火終今知三宿報救之耳既已見疑當是定業不可移

也示帝既即位即湘東王也以為郢州刺史帝為魏所執

和與弟子俱入於齋書

簡文帝簡武帝第三子

大寶元年四月八日詔度人出家親制願文云弟子蕭綱以此建齊度人功德普度六道四生出離變欲永拔無明修習般若為真佛子

二年侯景廢帝幽于永福省進士囊頭之武帝初董命張齊於東昏侯送其首於帝除及宗屬後數年簡文生誌公謂帝曰此子與怨家同生蓋侯景以是年生於鴈門及景廢建康帝崩簡文繼及於禍梁子弟多見戮故世稱侯景是東昏後身○北齊慧文禪師

因閱大論至四諦品偈云因緣所生法我說即是空亦名為假名亦名中道義恍然大悟乃遠承龍樹依論立論以授慧思禪師

元帝

釋武帝第七子

承聖元年真諦三藏以侯景之亂汎舶西歸大風飄還廣州住制止寺譯起信論俱舍論至陳朝共得五十部○帝嘗著書曰金樓子云余於僧中童招提琰法師隱士重華陽陶貞白弘景謚貞白先生士大夫重汝南周弘正北周名賢○招提寺改法師少時相者曰童子聰明而壽不永師即發願入山誦般若經久之見僧長丈餘誦之曰此經功德不可思議後二十年逢前相

者敬曰得何妙藥而獲延乎琰曰持經耳○劉敬躬

為亂焚望蔡縣縣令寄近寺民將牛酒為禮令以牛

繫於屏除佛像於堂上接賓客牛忽自解來階下拜

令大驚命左右牽之飲啖既飽醉臥堂下候覺徧體

痒痛瘡成白癩年終而死顏氏家訓

敬帝

方智元帝第九子

紹泰元年初齊文宣廢道教

詳在齊志

○補闕宗殆以學

行知名梁亡棄官出家號無名地周訪以長官無名

自陳反俗有五不可晚年為息心銘悔少日克意文

章

黃魯直書此銘與沙門智海刻之叢林以為雜學者之戒

○江陵天皇寺有柏

堂明帝之所建張僧繇畫廬舍那像及仲尼十哲帝

問釋門何為盡孔聖僧繇曰後當賴此耳及後周滅佛法焚天下寺塔獨此殿有宣尼像乃不毀各盡記

陳康鄧建

武帝

康霸先受梁禪

末定元年詔迎佛牙於杜姥宅姥莫補反婦之補設四部無

遮大會

此丘等四象各為四節

二年五月帝幸大莊嚴寺舍身翌日群臣表請還宮十一月復幸莊嚴寺發金光明經題十二月幸莊嚴寺設無畏大會行清淨大會翌日群臣表請還宮金陵七百寺值侯景焚蕩幾盡自帝登極悉令修復經講道不替前朝

三年勅大內設仁王太齋詔沙門寶瓊於重雲殿誦大品般若經時群臣請以重雲殿佛像寶樹珠玉珎佩珎音行佩上玉以造車輿俄見雲氣籠殿雷電火起須臾焚盡月餘有從東州來者言是日見殿飛浮海上而去○高郵有尼誦妙法華不令晝夜十八二掌持生華上召見內殿觀其華大嘉敬之世號華手尼

文帝

齊高祖兄始興王

天嘉元年勅寶瓊為京邑大僧統梁魏以來僧統盛飾杖直儼於官府至是瓊奏罷之每出從數頭陀杖笠而已海東十二國聞瓊道德遣使奉金帛求畫像

以歸○思禪師於光州大鵝山為顓禪師說安樂行
示普賢道場

二年善慧大士於山中行道常見七佛在前維摩從
後唯釋迦常與大士語

四年帝於太極殿設無量大會行舍身法復集僧行
方等陀羅尼法法華懺金光明懺並別製願辭攝苦
薩戒弟子皇帝

六年西竺王子月婆首那來遊廬山譚勝天王般若
經

廢帝伯宗太子

光大二年思禪師入居南岳是歲為岳君授戒詳見南岳

本紀

宣帝顓始興王第二子

太建元年四月善慧大士示寂七月縣令陳鐘耆來
禮敬傳香之次猶反掌受香舉眾驚異勅徐陵撰碑
山中

良渚曰傳燈言武帝請大士誦金剛般若執拍板
唱四十九頌觀竹菴云多用三性義語恐北方和
宗人訛大士名或云祇以拍板揮案一下誌公云
大士講經竟然大士入朝誌公已去二十年何從
有此問答樓顓編大士言行錄甚詳亦不載此事
顓禪師於瓦官寺為儀同沈君理等講法華經後常

與衆講大智度論說次第禪門○思禪師居南岳九
仙觀道士歐陽正則詭奏師爲巫蠱事漢江充奏六事蠱若惑也謂巫者左道惑衆埋木人帝遣使召之
則見師自空中來驚悟其神一無所問以道士誣告
罪當棄市師請貸之令給事僧衆乃勅有司治十四
鐵券識十四姓各其上令隨師還山服役春米呼俗
其鐵券勒石爲記名曰陳朝皇帝賜南岳思大禪師
降伏道士鐵券記詳見南岳本紀
四年勅沙門慧順音丘於樂遊園爲七廡講大品般若
○齊使崔武子來朝上以沙門洪偃于德兩優命爲

館伴武子每與語輒大歎服朝議欲加偃冠師絕食
自誓帝乃止

五年海東玄光沙門受法華安樂行義於南岳禪師
歸國演教爲海東諸國傳教之始

六年周武帝罷佛道二教沙門靖嵩靈侶脫三百人
皆相率歸南朝帝令駙馬蔡凝宣敕曰法師等善明
治亂歸寄有序宜於都郭大寺安居所司供給○沙
門智周十一人往西天求經

七年顓禪師入天台佛隴

九年二月詔曰顓禪師佛法雄傑時匠所宗訓兼道
俗國之望也宜割始豐縣調賦徒反以充衆費○准

肥之戰轉輸不繼敕所在僧侶任其復律師智文上
書曰君子為國必以禮義主上誠知宇文廢滅之過
周文武姓豈宜以勝上福田為胥卜之事非止敵人輕
字文氏亦恐國家受殃帝大威悔亟下寢一之時建
營毀也議主役者皆寘重罰○六月二十二日南岳思大禪
師唱佛半逝
十年左僕射徐陵以顓禪師創寺請干朝賜號修禪
分大師為兄陳鍼述小止觀客受修習初仙人張果
慈也相之曰死在暮月師乃令行方等懺鍼見天堂門牌
曰陳鍼之堂果後見鍼驚問君服何神藥答曰但修
懺耳果曰若非道力安能超死竟延十五年而終

十二年周宣帝復佛道二教

十三年詔國內初受戒者參律五夏勅曇瑗律師
院總知監檢有司給其衣食勿使經營致虧功績不
踰數載道器大成乃以瑗為國僧正

十四年皇太子即位設無昇大會於太極殿舍身太

赦

後主

叔寶太子

至德元年勅慧暉為京邑大僧正○永陽王伯智出
鎮東陽文帝第八子請顓禪師赴鎮開講主與子湛及家
人同稟菩薩戒法

二年詔虎丘智聚法師赴太極殿講金光明經

三年詔顓禪師入京居靈曜寺四月赴太極殿講大
智度論題般若經題久之遷居光宅寺帝幸寺聽講
仁王經躬禮三拜○朝議以僧尼類多無業故令策
經不通者皆休道顓禪師諫帝曰調達日誦萬言未
免淪墜槃特唯憶一偈乃證四果台本紀注天爲道豈關多誦帝大說即停搜簡

四年正月詔顓禪師赴崇正殿爲皇太子授菩薩戒
設千僧齋

禎明元年顓禪師於光宅寺講法華經時章安預聽
○都官尚書徐孝克性好惠施不免飢寒後主勅以
石頭津稅給之孝克悉用設齋寫經初居錢唐與諸

僧討論釋典遂通三論且誦法華經晚講禮傳受業
者常數百人蔬食長齋持菩薩戒陳亡入長安時疾
疫隋文帝聞其名行召講金剛般若上下敬讚臨終
正坐念佛○姚察讀藏經畢日西向坐正念云一切
空寂陳亡入隋終於東都其身柔輒顏色如生遺命
松板薄棺爲葬

法運通塞志第四

